

Ирмосы 1-го канона Богоявления, глас 2

Песнь 1.

Ирмос: Глуби́ны откры́л есть дно́,/ и су́шею Сво́я вле-
че́т,/ в ней покрыв протíвныя,/ крепкий во бранéх
Госпо́дь, // яко просла́вися.

Песнь 3.

Ирмос: Кре́пость даяй царем на́шим Госпо́дь,/ и ро́г
помазанных Сво́их возно́сяй,/ от Девы раждается,
грядет же ко крещéнию./ Тому вернии возопи́м://
несть свят, яко Бо́г наш.

Песнь 4.

Ирмос: Услы́шах Господи глас Твой, егоже ре́кл еси́,/
гла́с вопиющего в пустыни, яко возгремел еси над во-
дами мно́гими,/ Твоему свидетельству́яй Сы́ну,/ весь
быв сошедшаго Ду́ха, возопи́:// Ты еси Христос, Бо-
жия мудрость и си́ла.

Песнь 5.

Ирмос: Иису́с живота Нача́льник,/ разреши́ти осуж-
дение грядет Адама первозда́ннаго,/ очищений же яко
Бог не тре́буя,/ падшаго очищает во Иордане: в немже
вражду́ убив, // преимущ всяк ум мир да́рует.

Песнь 6.

Ирмос: Гла́с Словесе, светильник Свéта,/ денни́ца
Солнца, Предтеча в пусты́ни,/ покайтесь всем вопиет
людem и предочи́стится:/ се бо предстои́т Христо́с, //
от тли мир избавля́яй.

Кондак, глас 4.

Явился еси днесь вселénней,/ и свёт Твой Гос-
поди зна́менася на нас,/ в разуме пою́щих Тя:/
прише́л еси и яви́лся еси́, // Свет непристу́пный.

Песнь 7.

Ирмос: Юноши благочестивыя печи огненной
приобщившиися,/ шумя́щ дух росный невредíмы
сохрани́,/ и Божия ангела снизхождéние./ Темже
в пламени орошаеми благодарственно воспе-
ва́ху:// препетый отцев Господи и Боже, благо-
словéн еси́.

Песнь 8.

Ирмос: Та́йну преславную Вавилонская показа
пещь, источившая рóсу,/ я́ко струями имяше не-
вещественный огонь восприя́ти Иорда́н,/ и объяти
плотию крещаема Зиждíтеля:/ Егоже благосло-
вят лю́дие, // и превозносят во вся вéки.

Песнь 9.

Ирмос: Недоуме́ет всяк язык благохвалити по
достоя́нию,/ изумева́ет же ум и премирный пети
Тя Богорóдице:/ обаче Благая сущи, véру при-
ими́,/ ибо любовь веси божественную на́шу. // Ты
бо христиан еси предстательница, Тя велича́ем.